



**Improving
access to
higher
education**

Page 5



**Working
towards safer
communities**

Page 7

**JOBS
INSIDE**

Building a better life for all

Cecilia de Vos Belgraver and Amukelani Chauke

President Jacob Zuma says government is working hard to protect South Africans against the effects of the negative global economic downturn on the local economy.

He emphasised that despite the economic challenges, government remains pro-poor and intent on making life better for all, especially for the poor and the working class.

"We have taken concrete measures to reduce the negative impact of the economic downturn of our economy and to prepare for robust growth when the economic cycle turns positive.

"We are also working hard to remove domestic impediments to growth."

The President said this during The Presidency Budget Vote in Parliament recently.

GROWING THE ECONOMY

Part of government's efforts to reignite growth and build a better life for all includes implementing the Nine-Point Plan which aims to boost economic growth and create jobs.

"Energy is high up on the agenda. During last year's Presidency Budget Vote debate our country was facing an acute energy challenge. We have made remarkable progress since then," said President Zuma.

He added that the Ingula power plant will soon add 330 megawatts of electricity to the national grid and in five years' time South Africa will have surplus electricity. A renewable energy project for South Africa worth US\$180 million was recently approved by the BRICS Development Bank, which will have its African Regional Centre in Johannesburg.

"Most importantly, there has been no load shedding for close to a year now. It is clear that the decisions and steps we took are beginning to bear fruit."

DEVELOPING INFRASTRUCTURE, CREATING JOBS

Government is also using infrastructure as a key instrument to create jobs and to build a better life for all.

"Through the Presidential Infrastructure Coordinating Commission, we have made tremendous strides in fast tracking infrastructure across the country.

"In the past year, we can count the building of 160 new schools, 29 new clinics, the connection of 245 000 houses to electricity and building close to 150 000 new houses. The construction of three universities, 12 technical colleges as



President Jacob Zuma says government is committed to making life better for all.

well as courts is on-going," said President Zuma.

He added that the construction of economic infrastructure is also continuing through the delivery of rail, road, dams, bus rapid transit systems, refurbishing ports, building boats and also the three new power stations.

"South Africa is a nation at work, with government leading the way, in building a better life for all."

PROGRESS ON OPERATION PHAKISA

Government launched Operation Phakisa in the Oceans Economy in Durban in 2014, followed by Phakisa projects on the Ideal Clinic and basic education, focusing on information and communication technologies. Phakisa Mining will be launched soon.

Through Operation Phakisa government aims to implement its policies and programmes better, faster and more effectively.

To date much progress has been made.

"In less than two years we have invest-

ed billions of rands in infrastructure development."

These investments include: Transnet's National Ports Authority's R7 billion allocation for port infrastructure, R3.6 billion investments in boat-building and a fuel storage facility in Cape Town, the R80 million allocation for rehabilitating and maintaining proclaimed fishing harbours, and the establishment of three new harbours that will provide opportunities for local and rural economic development.

Phakisa Education has delivered electronic administration infrastructure to over 22 000 schools and over 1 500 schools now have internet connectivity, to the benefit of over a million learners across South Africa.

WOMEN EMPOWERMENT

The President added that billions of rands have been set aside to support women-owned businesses.

He said the Status of Women in the South African Economy Report, which was produced by the Ministry in The Presidency

responsible for Women, exposed gaps and showed that more must be done to empower women in the economy.

"In September 2015, I issued a directive to economic cluster departments to place the empowerment of women centrally in their plans and in particular, in the Nine-Point Plan to further grow the economy.

"Progress is being made. The departments of Human Settlements, Public Works and Small Business Development are utilising the approach of set-asides to enhance women's empowerment," he noted.

President Zuma said women contractors were allocated over R3 billion of the Human Settlements Development Grant for the 2014/2015 financial year alone.

"This allocation was shared by over 112 female-owned enterprises."

As the country prepares to commemorate the 60th anniversary of the women's march to the Union Buildings, the President pointed out that a lot has been done to empower women.

Go tokafatsa phithhelelo ya thuto e kgolwane



Puso e beetse thoko dibilione tsa diranta go thusa baithuti ba feta 400 000 go tsewetsa dithuto tsa bona ka Sekema sa Bosetšhaba sa Thuso ya Ditšhelete ya Baithuti.

Amukelani Chauke

Puso e ikemiseditse go tlamela ka thuto ya boleng, e e fitlhelelang, e le tlhwalatlase e bile e aname ya morago ga thuto ya sekolo le go netefatsa gore maAforika Borwa a nang le bokgoni ba go ithuta le a a tlhokang matlole ga a tlogelwe kwa morago.

Se ke go ya ka Tona ya Thuto e Kgolwane le Katiso, Blade Nzimande, yo a sa tswang go ala Tekanyetsokabo ya Lefapha le kwa Palamenteng.

Tona o supile fa puso e abetse Sekema sa Bosetšhaba sa Thuso ya Ditšhelete ya Baithuti (NSFAS) dibilione tsa diranta go thusa baithuti ba feta 400 000 go tsewetsa dithuto tsa bona.

"R4.57 bilione e abetswe NSFAS ka 2016/17, e leng R2.54 bilione go netefatsa gore baithuti ba le 71 753 ba ba neng ba sa thusiwa ka matlole kgotsa ba tlhaeditswe matlole magareng ga 2013 le 2015 ba kgona go duela disuga tsa bona, le R2.03 bilione go netefatsa gore baithuti ba le baithuti ba ba humanegileng ba ba yang kwa diyunibesithing

lekgetlho la ntlha ba kgona go ithuta," a rialo.

Morago ga gore Moporesitente Jacob Zuma a bege fa go se kitla go nna le koketso ya dituelo kwa ditheong tsa thuto e kgolwane morago ga ditshupetso tsa baithuti go ralala naga kgatthanong le tlhwalhwa ya thuto, diyunibesithi di ne tsa nna le tlhaelo ya R2.3 bilione.

"Re tlametse ka R1.9 bilione ya madi a a tlhaetseng a R2.3 bilione go latela tumelano e re nnileng nayo. Re abile sešwa madi a feta R5.7 bilione mo [dingwageng di feta di le tharo tse di tlang] go diyunibesithi go netefatsa gore go se tlhatlosiwe ga dituelo ka 2016 ga go bake tlhatlo e e sa laolelang ya dituelo mo isagong," Tona o tlhalositse jalo.

Dikabo tsa NSFAS e tla nna koketso ya 47.3% mo tlamelong ya motheo ya matlole ya NSFAS ka 2016.

Tona o rile se mmogo le matlole a mangwe a NSFAS a tla thusa baithuti ba le 205 000 kwa diyunibesithing, le ba bangwe ba le 200 000 kwa dikholejeng tsa Thuto le Katiso ya Tiro ya Setegeniki (TVET).

"Seo ke palogotlhe ya baithuti ba le 405 000 ba ba tla amogelang tshegetso ya puso, e leng

phithhelelo e kgolo e e mo pepeneneng.

"Re na gape le leano la "ba ba mo magareng" – baithuti ba lotseno lwa malapa a bona le leng kwa godimo ga selekanyetso sa NSFAS mme ba santse ba ka se kgone go duela dithuto tsa yunibesithi. Re ikaelela go leka leano la rona le lešwa ka 2017 mme re le tsenye tirisong ka botlalo ka 2018," a rialo.

Khomišene ya Moporesitente e batlisisa kgonego ya thuto e e sa duelelweng ya baithuti ba diyunibesithi le ba TVET, Tona a tlaleletsa ka go rialo.

MANNO A BAITHUTI

Tona Nzimande o tlaleleditse ka gore o tla thankgolola Lenaane la Mafaratlhatlha a Manno a Baithuti monongwaga go samagana le dikgwetlho tsa manno a baithuti.

O rile lefapha le tla thagisa lenaane la lona le le tsweleng la pakatelele le dirisa ditsela tsa tlamelo ka matlole le dithekenoloji tsa itlhamelo tsa kago go tlamela ka manno a a sireletsegileng mme a le tlhwalatlase fa le rulaganya Simphosiamo ya Manno a Baithuti ka Seetebosigo.

"Ga jaana, re dira le Tona ya Ditiro tsa

Setšhaba, Thulas Nxesi, go supa dikago tsa puso tse di sa dirisiweng ka botlalo kgotsa tse di sa dirisiweng gotlhelele mme di siametse go ka fetolelwa go ka nna manno a a babalesegileng a baithuti ba diyunibesithi le ba dikholeji tsa TVET."

THOTLOETSO YA MATSHELO A A ITEKANETSENG

Motlatsatona Mduduzi Manana o rile go rotloetsa matshelelo a a itekanetseng mo baithuting, Lefapha la Thuto e Kgolwane le Katiso le na le letsholo le le bidiwang *First Things First*, le le tsamaisiwang ke *Higher Education AIDS* (HEAIDS), e e tlamelang ka ditirelo tse di tletseng tsa boitekanelo le maphelo.

Tsone di akaretsa diteko tsa HIV le tlhatlhubo ya TB, ditshwanelo tsa pelegi, thibelapelegi, boitekanelo ba bomme, kankere ya matsele le popelo le malwetse a mefuta ya botshelo, gareng ga tse dingwe.

O rile palo ya baithuti ba ba tlileng go dirwa diteko e oketsegile mo ngwageng o o fetileng.

"Lenaane le le akareditse baithuti le badiri ba le 174 000 ka 2015 fela, mme baithuti ba ba dirilweng diteko tsa HIV ke 79% go feta ba ba lekilweng mo ngwageng o o fetileng," ga rialo Motlatsatona.

O tlaleleditse ka gore mesomelwana e e nkgang monate ya banna e ka nna dimilione di le 25 e phasaladitswe kwa ditheong tsa thuto e kgolwane le katiso.

Motlatsatona Manana o rile lenaane le le sa tswa go amogelwa e le lengwe la a a gaisang mo kontinenteng, le gore lefapha le ikaelela go le atolosa go feta le mo ngwageng ono wa ditšhelete.

Ditirelo tsa thobomaikutlo tse di tsweleng tsa HEAIDS di ne tsa thusa baithuti go samagana le maemo a bona a go nna le mogare wa AIDS, a tlaleletsa jalo.

Motlatsatona o rile moithuti mongwe o ne a tlogela yunibesithi ka ntlha ya fa a ne a sa kgone go samagana le maemo a gagwe a HIV morago ga gore dipelo tsa gagwe tsa diteko tsa madi tsa letsholo la *First Things First* di ribolole fa a na le mogare wa HIV.

Fela ka ditirelo tsa thobomaikutlo le tsa tshegetso tsa HEAIDS, o ne a kgona go tsewetsa dithuto tsa gagwe mme o setse ka ngwaga fela pele a konosetsa dithuto.

"Ke mongwe wa baemedi ba rona ba *First Things First*, mme o rotloetsa baithuti go itse maemo a bona le go ba neela thobomaikutlo le tshegetso," a tlaleletsa jalo.



Malapa a kwa metseselegang a bona thuso

Amukelani Chauke

Lefapha la Tlhabololo ya Metseselegae le Ntšhwafatso ya Naga le tla maatlafatsa maiteko a tiragatso a a tla thusang go fokotsa botlhoki le go tswela mosola malapa a kwa metseselegang a feta 10 000 mo ngwageng o o tlang.

Fa a ne a ala Tekanyetsokabo ya lefapha la gagwe kwa Palamenteng go sa le gale, Tona ya Lefapha la Tlhabololo ya Metseselegae le Ntšhwafatso ya Naga, Gugile Nkwinti, o rile maikaelelo a lenaane la *One Household, One Hectare* ke go fedisa botlhoki mmogo le go tlhoma setlhopha sa balemipotlana ba bantsho, batlhagisi, le batlhagisi ba tsa temothuo.

Jaaka karolo ya maiteko a, kabelo ya heketara e le nngwe (kgotsa tshingwana ya baagi) e abelwa lelapa lengwe le lengwe le le tlhokang. Malapa a thusiwa go ijalela dijalo mme a rulaganngwa go nna dikoporasi tsa motheo tse di golagantsweng le maiteko a diphaka tsa Temo.

Lenaane le le lebile segolo mafatshe a puso le a ka tlhalosiwang jaaka mafatshe a mafelo

a baagi, Tona a rialo.

"Lenaane la *One Household, One Hectare* le tla tsenngwa tirisong le go nyalanngwa le lenaane la tlhabololo ya diphaka tsa Temo, mme le tlamela malapa a a nang le seabe ka tsela e e nonofileng ya go bapatsa ditlhalagiswa tsa ona," a tlhalosa.

Tona o rile kwa tshimologong, sengwe le sengwe sa didika tsa diphaka tsa Temo di le 44 se tla nna le mafelo a le matlhamo a maiteko a *One Household, One Hectare* a tla tsenngwang tirisong kwa go ona. Se se tla baka mafelo a le 220 mo ngwageng wa ditšhelete wa 2016/17.

"Bonnye malapa a le 50 a nna le seabe mo lefelong lengwe le lengwe. Ka jalo, se se tla ama matshelelo a malapa a metseselegae a feta 10 500. Lefapha le beetse thoko R100 milione mo ngwageng wa ntlha wa go tsenya tirisong ka Tekanyetsokabo ya Kabosešwa le Tlhabololo," a rialo.

LENAANE LA DIPHAKA TSA TEMO

Lefapha le tswelela pele gape ka kgato e e latelang ya go tsenngwa tirisong ga

diphaka tsa Temo go ralala didika di le 44 tsa bommasepala go tlhagisa dijo, togamaano le kago ya mafaratlhatlha a mašwa, ga tlaleletsa Tona Nkwinti.

O rile R2 bilione e beetse thoko go diragatsa morero o mo ngwageng o mošwa wa ditšhelete.

"Go ithlaganedisana ntšhwafatso ya naga, re abela balemipotlana lefatshe le go ba tlamela ka tshireletso kwa mafelong a a tlhokang, go akaretsa badiri ba dipolase le batho ba bangwe ba ba dirang kwa dipolaseng.

"Mo ntlheng e, bokana ka R89 milione e abetswe go tlamela ka tshegetso ya semolao le botsereganyi go batswelwamosola ba kabosešwa ya mafatshe go rotloetsa tshiretso ya beng. Palogotlhe e ka nnang R791 milione e beetse thoko mo ngwageng o wa ditšhelete go reka lefatshe go fitlhelela maikaelelo a.

LETLHOMESO LA PHOLISI YA 50/50

Tona Nkwinti o tshwaetse gape ka balemi ba ba ithaopileng go nna le seabe mo lenaaneng le la lefapha, le le bakileng gore balemi le

badiri ba dipolase ba abelane dipolase tsa kgwebo ka seelo sa 50/50.

"Moporesitente o buile mo Puong ya Maemo a Setšhaba ya 2013 gore o solofela gore kwa bokhutlong jwa paka e, ka 2019, re tshwanetse ra bo re lekile dipolase di le 50 ... Re leboga batho ba ba neng ba re re rata go nna karolo ya se," a rialo.

Tona o rile jaaka karolo ya go Tshegetsa Ditshwanelo tse di Rileng tsa Batho ba ba Dirang mo Lefatsheng (Letlhomeso la Pholisi ya 50/50), diphetisetso di le 10 di setse di konoseditswe ka baboelwa ba le 540, mme di akaretsa diheketara di le 7 642.

Go fitlha ga jaana go setse go amogetswe dikopo di feta 50 tsa balemi le mekgatlo.

Lenaane le le tla ithlaganediswa mme go beetse thoko R89 milione go samagana le seno mo ngwageng o mošwa wa ditšhelete.

Tona Nkwinti o tlaleleditse ka gore morago ga go bulwa gape ga kgato ya bobedi ya tšhono ya go tlhatlhelwa ga ditopotuelo tsa mafatshe, go tlhatlhetswe ditopotuelo di le 143 720 ka 31 Mopitlwe 2016, mme di le 27 696 tsa tsona di tlhatlhetswe ka dikantoro tse di latelelang batho tsa lefapha.

Go direla ditšhaba gore di babalesege

Amukelani Chauke

Diteišene tsa sepodisi tse dintšhwa tse di tsamayang di tla tlhongwa mo ngwageng o o tlang go thusa go oketsa ponagalo ya sepodisi le go fedisa bosenyi mo setšhabeng.

Se ke nngwe ya ditsela tse Tirelo ya Sepodisi sa Aforika Borwa (SAPS) e tla lwantshang bosenyi ka yona jaaka e tlhagelela mo Tekanyetsokabong ya Sepodisi e e sa tswang go alwa.

Tona Nkosinathi Nhleko o rile SAPS e neetswe tekanyetsokabo ya R80.8 bilione mo ngwageng wa ditšhelete wa 2016/17.

Tiriso ya matlole mo pakeng e e magareng e tla akaretsa:

- Go samagana le ditheo tse di setseng di le teng.
- Go dira gore tirelo ya sepodisi e nne ya seporofesenale ka tlhabololo ya bokgoni.
- Go tswelela go matlafatsa tsamaiso ya bosiamisi ba bosenyi ka go nna le seabe mo go tokafatseng lekala la tsamaiso ya bosiamisi ba bosenyi le lenaane la ntšhwafatso.
- Go matlafatsa metswedithuso ya Yuniti ya Sepodisi sa Taolo ya Baagi. Palogotlhe ya R1.957 bilione e abetswe morero o.

“Mo ngwageng o wa ditšhelete re okeditse metswedithuso ya Bokaedi jwa Ditlhotlhomiso tsa Bosenyi jo bo kwa Godimo (Hawks) ka matlole a R1.431 bilione, a a tla akaretsang gape le diyuniti tse dintšhwa tse di kgethegileng. Go tserwe tshwetso ya go tlhoma gape diyuniti tsa Biro ya Diritibatsi le Ditlhotlhomiso tsa Thibelo ya Ditlhobolo ka ntsha ya tlhokego e e leng teng le go tsibogela tsebe boikuelo jwa baagi,” Tona a tlaleletsa jalo.

MAFELO A A BABALESEGILENG

Motlatsatona wa Sepodisi, Maggie Sotyru, o rile go thankgololwa ga diteišene tse di latelelang batho tsa sepodisi go ralala naga go tla thusa go rotloetsa mafelo a a babalesegileng le go busetsa tshepo ya baagi mo sepodising.

“Go thankgololwa ga diteišene tse dintšhwa tsa sepodisi tse di latelelang batho go tla simolola ka Motsheganong 2016, go simolola kwa Site C kwa Khayelitsha, go ya kwa Lavender



Tirelo ya Sepodisi sa Aforika Borwa e tla samagana le go oketsa ponagalo ya sepodisi go netefatsa fa mafelo a nna le pabalesego.

Hill, motse wa Crossroads kwa Peddie, Botshabelo kwa Foreisetata, le mafelo a mangwe a a tletseng bosenyi go ralala diporofense tsotlhe di le robongwe,” o tlaleleditse jalo.

Matlole a diteišene tse tsa sepodisi a tla tswa mo tekanyetsokabong ya SAPS ya bosetšhaba.

Motlatsatona o rile merero ya go aga seteišee sa sepodisi e akaretsa mafapha a mantsi, e leng se se ka bakang gore go tsewe nako e ntsi go se konosetsa.

Mafelo a mantsi a metseselegae mo Aforika Borwa le ona a pateletsa puso go dirisa diteišene tse di latelelang batho tsa sepodisi, a tlaleletsa jalo.

Motlatsatona o ne a gatelela gape botlhokwa jwa sepodisi kwa metseselegaeng.

“Re tshwanetse go netefatsa gore baagi ba kwa magaeng ga ba bone e kete bone ba neelwa tirelo e e kwa flase ya sepodisi fa ba bapisa le metsetsoropo.

“Re tshwanetse go tswelela go phuaganya disenyi tse di ithulagantseng tse di tsweleng go utswa leruo le le botlhokwa kwa baaging ba metseselegae.”

Motlatsatona o rile bosenyi kwa metseselegaeng ga se fela ka ga bogodu jwa leruo, mme bo akaretsa tirisodikgoka ya bong, digo-

ngwana, tirisodikgoka le tiriso e e botlhaswa ya diritibatsi kwa dikolong tsa magaeng.

Kgwetlho ya sepodisi kwa metseselegaeng, sekgala magareng ga metse le go phatlhalala ga mafelo a mangwe a metseselegae go ka baka go bulegela kotsi le maemo a a kwa godimo a go boifa bosenyi, a rialo.

“Porojeke ya diteišene tse di tsamayang tsa sepodisi e tla matlafatsa Lenaane la Thebolelo ya Ditirelo kwa Mafelong a Thuso ya Badirisi. Se ke lenaane le le kgethegileng le le akaretsang tokololo e e manontlhotlho ya sepodisi e baagi ba ka ratang go thusiwa ka yona; mafelo a ditirelo tsa sepodisi a baagi ba ka a fitlhelang e bile a le botsalano; tirelo e e manontlhotlho e bile e na le maikarabelo eo sepodisi se tshwanetseng go e rebola; le go tlhongwa ga dikamano tse di nonofileng tsa bannaleseabe le go nna le seabe mo thebolong ya ditirelo tsa sepodisi,” a rialo.

GO SIRELE TSA DITLHOPHA TSE DI LENG MO TLALELONG

Motlatsatona o tlaleleditse ka gore SAPS ga jaana e na le mekgatlo e mebedi, e e dirisiwang go tsholetsa ditshwanelo tsa ditlhophah tse di leng mo tlalelong go gaisa mo setšhabeng,

segolo kwa mafelong a metseselegae.

O rile Mokgatlo wa Basadi ba SAPS o nnile le seabe mo manaaneng a a nang le morero kwa mafelong a metseselegae a a neng a supa tiro e e botlhokwa mo godimo ga ya sepodisi mme se se bakile letlhakore le le kgethegileng mo sepodising sa baagi.

“Mokgatlo o o tsheditse batswasetlhabelo ba batsofe ba ba beteletsweng, go netefatsa gore badiri ba ditiro tse di setlhogo tse ba a tshwarwa le go atholwa.

“Godimo ga moo, ba Mokgatlo wa Basadi ba SAPS le wa Banna ba ba Emelang Phetogo ba tla nna le seabe mo lenaaneng la go fitlhelela baagi le le tla bong le samagana le bothata jwa ukuthwala mo baneng mo metseselegaeng ya rona, segolo kwa Kapa Botlhaba.”

Motlatsatona o gateletse gore le fa puso e tlotla ditso, ditiro tse dingwe tsona ga di amogelege.

“Re tlotla setso se se agang naga ya rona, fela re tlhoile ditiro tse go tweng ke tsa setso mme di gatelela, go sotlaka, go thopa le go betelela bana ba rona go twe ke setso.

“Re tla tshwara batho bao ba sotlakang ka bana mme ba ba thopa ka leina la ‘lenyalo la setso’,” a rialo.



Aforika Borwa e tswelwa mosola mo peeletsong ya mafaratlhatlha

Amukelani Chauke

M aAforika Borwa a kotula meputso ya peeletso ya puso ka mafaratlhatlha ka dikolo tse dintšhwa, metsi, go tsenngwa ga motlakase le ditiro, gareng ga tse dingwe.

Se se senotswe ke Tona ya Tlhabololo ya Ikonomi, Ebrahim Patel, mo Tekanyetsokabong ya gagwe go sa le gale.

Ka maiteko a go thusa go godisa ikonomi le go tlhola ditiro, puso e beeletsa R1 bilione ka letsatsi la tiro mo mafaratlhatlheng go ralala makala a a farologaneng.

Tona o kaile fa peeletso eno e na le seabe se sentle mo matshelong a maAforika Borwa.

Madi a a thusitse puso go aga dikolo tse dintšhwa di le 160 le dintlo tse dintšhwa di ka nna 100 000; go tsenyetša dintlo di le 245 000 motlakase le go tsenya dimekawate di le 1 700 mo mothamong wa bosetšhaba.

Peeletso e e kgontshitse gape puso go ala dikilomitara di le 100 tsa dipeipi tse dikgolo tsa metsi tse di ka tsamaisang dibilione tsa dilitara tsa metsi ka beke go ya kwa baaging le kwa dikgwebeng; e agile ditleliniki tse dintšhwa di le 29 le sepetlele se le sengwe se sešwa le go konosetsa dikago di le tharo kwa Yunibesithing ya Mpumalanga le manno a mašwa a baithuti ba ka nna 4 210 go ralala naga.

“Re nnile le katlego e e jalo le ka go agiwa ga dibese, dithekesi le ditimela; ditsela tse di tlhabolotsweng, mela e mešwa ya dibese le mafelo a mašwa a Wi-Fi kwa metsetsoto-

ropong le metseselegaeng. Ditiro ka tlhamalalo tse di tlhodilweng ka peeletso ya mafaratlhatlha di kabakanyetswa go 291 000 le ditiro tse e seng tsa tlhamalalo di le 715 000 tse di tshagediwa ke lenaane la mafaratlhatlha la puso,” a rialo

GO TLHOLWA GA DITIRO

Le fa kgolo ya ikonomi e le bonya, go tlhodilwe diketekete tsa ditiro mo ngwageng o o fetileng, Tona o tlaleleditse jalo.

“Dipalo tsa ditiro di oketsegile mo ngwageng o o fetileng ka ditiro tse dintšhwa di ka nna 700 000, fela go na le dikgatelelo tse dintšhwa segolo mo makaleng a meepo le a a amanang nao mme se se a re tlhobaetsa,” a rialo.

Tona Patel o rile AB InBev, e leng setlamo sa boditšhaba se se golaganeng go sa le gale le setlamo sa nnotagi le dinotsididi, SAB Miller, e dumetse go dirisa R1 bilione ka maikaelelo a go thusa balemirui ba bašwa ba le 800.

AB InBev e beetse thoko R1 bilione go thusa balemi ba selegae le batlamedi ba bangwe.

Bokana ka R610 milione e tla dirisediwa go tshoetsa tlhabololo ya balemi ba bašwa ba le 800 le balemi ba bašwa ba kgwebo ba le 20 go tlhagisa dikumo tsa selegae tse di akaretsang, garese, dihopo, mmidi le mome-la ka maikaelelo a go tlhola bonnye ditiro tse dintšhwa di le 2 600 mo temothuong, a tlaleletsa jalo.



Peeletso ya puso mo mafaratlhatlheng e tlhotse ditiro mo makaleng a le mmalwa.

“Re dumalane gore setlamo se se tla neela R200 milione ya tlhabololo ya dikgwebo tse di akaretsang go tlhongwa ga tirelo ya go thuthusa dikgwebo, go rotloetsa maiteko le go tshoetsa mafelo a tlhotlhetsetso ya dikgwebopotlana.”

MANAANE A THUTO

AB InBev e beetse thoko R190 milione ya manaane a a mabapi le tshomarelo le thuto go akaretsa tlhabololo ya metswedi e mengwe ya maatla a a dirisiwang ke setlamo ka bosona, boineelo jwa go fokotsa tshenyo le go rotloetsa tirisogape le tshomarelo ya metsi.

“Re na le dikarolo mo nageng tse di tlhaelang metsi, e seng fela mo pakeng e ya komelelo mme mo pakeng e telele. Di ineetse mo manaaneng a bašwa, go dira gore go nne le thuso ka matlole go baithuti ba boenjeneri... le go tlamela ka ditšhono tsa maitemogelo di le 200 tsa mo tirong.

“Ke akanya gore se se botlhokwa ke gore setlamo se se batla go dira le puso go netefatsa gore mo dingwageng di le mmalwa tse di tlang, naga e tloga mo maamong a ga jaana a go reka dihopo ka bontsi kwa dinageng tsa kwa ntle mme e nne mo maamong a e romelang bontsi jwa dihopo le momela kwa dinageng tsa kwa ntle,” a tlaleletsa jalo.